

Qhov Sib Txawv Ntawm Family Care, Partnership, thiab PACE

(Differences Between Family Care, Partnership, and PACE)



Qhov ntaub ntawv no piav qhia txog qee yam sib txawv ntawm cov khoos kas kev saib xyuas kho mob ncuu sij hawm ntev uas muaj kev tswj hwm no:

- Family Care
- Partnership
- PACE (Program of All-Inclusive Care for the Elderly (Lub Khoos Kas txog Kev Saib Xyuas Kho Mob Rau Neeg Laus Uas Tsis Cais Leej Twg Li))

Koj yuav tso npe tau rau hauv ib lub khoos kas kev saib xyuas kho mob ncuu sij hawm ntev uas muaj kev tswj hwm ib zaug ib lub khoos kas. Tag nrho cov khoos kas yuav yog qhov yus yeem yus xwb. Kev yus yeem yus txhais tau tias nws yog koj li kev xaiv yuav mus tso npe xwb. Koj yuav xaiv hloov tau mus rau lwm lub khoos kas sib txawv, Imanaged care organization (koom haum kev saib xyuas kho mob tau muaj kev tswj hwm), los sis tawm ntawm lub khoos kas tau txhua lub sij hawm.

Cim Tseg: Yuav tsis tau txais Partnership thiab PACE nyob hauv txhua lub cheeb tsam nroog hauv Wisconsin. Nug koj lub ADRC (aging and disability resource center (lub chaw muab peev txheej kev pab rau neeg laus thiab neeg xiam oob qhab)) hauv cheeb tsam los sis Tribal ADRC (aging and disability resource specialist (tus kws kho mob tshwj xeeb muab peev txheej kev pab rau neeg laus thiab neeg xiam oob qhab)) hais txog cov kev xaiv uas nyob ze rau ntawm koj.

Cov Kev Pab Cuam

Family Care muab tau ntau cov kev pab cuam ntsig txog kev saib xyuas kho mob ncuu sij hawm ntev rau cov neeg laus uas muaj hnub nyoog thiab cov neeg laus xiam oob qhab. Partnership thiab PACE muab tau cov kev pab cuam ntsig txog kev saib xyuas kho mob ncuu sij hawm ntev zoo tib yam uas Family Care muab thiab. Partnership thiab PACE kuj yuav muab tau cov kev pab cuam txog kev noj qab haus huv thiab kev kho mob thiab cov tshuaj raws kev sau ntawv yuav.

Tej zaum koj yuav txiav txim siab xaiv lub khoos kas raws li cov kev pab cuam uas koj xav tau.

Nug koj tus kheej:

- Kuv puas xav tau ib pab pawg neeg cev ncauj cev lus txog kuv cov kev pab cuam txog kev noj qab haus huv thiab kev kho mob?
- Kuv puas muaj ntau tshaj ib qhov kev kuaj pom mob los sis qhov zwj ceeb mob uas sib cov pes daws?
- Kuv puas noj tshuaj ntau heev?
- Kuv puas yuav tsum tau mus tom tsev kho mob ntau zaus?

Yog tias koj teb tias "Yog" rau ib qho twg ntawm cov nqe lus nug no, tej zaum Partnership los sis PACE yuav yog ib txoj kev xaiv uas zoo dua rau koj.



Cov lus siv uas yuav tsum tau paub



Kev saib xyuas kho mob ncuaj sij hawm ntev—Nov yog qhov kev pab cuam los sis kev txhawb nqa uas tej zaum koj xav tau vim tias muaj ib los sis ntau qhov ntawm cov nqe hauv qab no:

- Koj muaj kev xiam oob qhab.
- Koj muaj hnuv nyoog 65 xyoos los sis siab dua (55 los sis siab dua rau PACE).
- Koj muaj tus zwj ceeb mob uas zoo tsis tu qab los sis mob ntev lawm.
- Koj xav tau kev pab los ua cov hauj lwm ua txhua hnuv, xws li kev hnav khaub ncaws los sis kev da dej.



Cov kev pab cuam txog kev noj qab haus huv thiab fab kev kho mob—Cov no yog cov kev pab cuam los ntawm tus kws kho mob, tus kws tu mob, los sis lwm tus kws muab kev pab cuam kho mob uas muaj ntau ntawv tsim nyog, Suav nrog:

- Kev tiv thaiv kab mob.
- Kev saib xyuas txhim kho kev noj qab haus huv.
- Kev kawm muab rau tus neeg mob.



Cov tshuaj raws kev sau ntawv yuav—Cov no suav nrog tag nrho Medicaid thiab Medicare cov kev pab cuam muab tshuaj. Partnership thiab PACE cov tswv cuab tsis xav tau Medicare Ntu D txoj phiaj xwm muab tshuaj sib cais li.

Pawg kws saib xyuas kho mob

Txhua lub khoos kas muaj pawg kws saib xyuas kho mob. Cov tswv cuab hauv pawg kws saib xyuas kho mob yuav sib txawv raws li lub khoos kas.

Nug koj tus kheej:

Nws puas yog qhov tseem ceeb rau kuv txog tus uas yuav nyob rau hauv kuv pawg kws saib xyuas kho mob?

Family Care

- Koj
- Tus thawj tswj xyuas kev saib xyuas kho mob
- Tus kws tu mob uas tau rau npe cia lawm
- Tus tswv cuab hauv tsev neeg los sis tus neeg yus hlub (*nyob ntawm yeem*)
- Lwm cov kws txawj ua hauj lwm, nyob ntawm seb koj cov kev xav tau yog dab tsi, xws li tus neeg ua hauj lwm txog kev saib xyuas kho mob rau tus kheej (*nyob ntawm yeem*)

Partnership

- Koj
- Tus neeg xyuas mob pab tus kws kho mob
- Tus thawj tswj xyuas kev saib xyuas kho mob
- Tus kws tu mob uas tau rau npe cia lawm
- Tus tswv cuab hauv tsev neeg los sis tus neeg yus hlub (*nyob ntawm yeem*)
- Lwm cov kws txawj ua hauj lwm, nyob ntawm seb koj cov kev xav tau yog dab tsi, xws li tus neeg ua hauj lwm txog kev saib xyuas kho mob rau tus kheej (*nyob ntawm yeem*)

PACE

- Koj
- PACE tus kws kho mob (los sis tus kws kho mob hauv zej zog)
- Tus kws tu mob uas tau rau npe cia lawm
- Tus thawj tswj xyuas kev saib xyuas kho mob
- PACE tus neeg cev ncauj cev lus hauv lub chaw pab cuam
- Tus neeg cev ncauj cev lus txog kev saib xyuas kho mob hauv tsev
- Cov kws kho mob rau lub cev, fab kev ua hauj lwm, thiab fab kev ua si lom zem
- Tus kws qhia txog kev noj haus kom zoo rau lub cev
- Tus tswv cuab hauv tsev neeg los sis tus neeg yus hlub (*nyob ntawm yeem*)
- Lwm cov kws txawj ua hauj lwm, nyob ntawm seb koj cov kev xav tau yog dab tsi, xws li tus neeg ua hauj lwm txog kev saib xyuas kho mob rau tus kheej (*nyob ntawm yeem*)

Cim Tseg: Yog tias ib tus neeg twg ua kev xaiv rau fab kev cai lij choj sawv cev tam koj, xws li tus neeg saib xyuas, lawv kuj yuav yog ib feem ntawm koj pawg kws saib xyuas kho mob thiab.

Cov kws muab kev pab cuam kho mob thiab cov chaw kho mob

Qee cov khoos kas yuav muaj qee cov kws kho mob los sis cov chaw muab kev saib xyuas kho mob hauv lawv pab pawg koom tes.

Nug koj tus kheej:

- Nws tseem ceeb npaum li cas uas yuav khaws kuv tus kws kho mob tam sim no cia?
- Kuv puas xav tau ib txoj kev xaiv hauv lub chaw kho mob uas kuv siv?

Family Care tsis them rau cov kev pab cuam kev saib xyuas kho mob xub thawj, yog li koj yuav siv koj tus kws kho mob saib xyuas tus kheej. Koj pawg kws saib xyuas kho mob yuav pab tau koj los tham nrog thiab nrhiav cov kws kho mob ib txwm thiab cov kev pab cuam uas tsim nyog.

Nrog Partnership thiab PACE, koj siv cov kws kho mob uas nyhob rau hauv koj lub managed care organization (koom haum kev saib xyuas kho mob tau muaj kev tswj hwm) kev tswj hwm pab pawg koom tes muab kev saib xyuas kho mob. Tej zaum koj tus kws kho mob tam sim no yuav nyob hauv pab pawg koom tes los sis tej zaum yuav pom zoo tuaj koom tau.

Nrog PACE, yuav tau txais cov kev pab cuam feem ntau ntawm PACE lub chaw muab kev pab cuam.

Kawm paub ntau ntxiv

Koj lub ADRC los sis Tribal ADRC hauv cheeb tsam yuav pab tau koj txiav txim siab seb lub khoos kas twg yuav zoo tshaj plaws rau koj.

- [Nrhiav koj lub ADRC hauv cheeb tsam hauv](https://dhs.wisconsin.gov/adrc/consumer/index.htm) (dhs.wisconsin.gov/adrc/consumer/index.htm).
- [Nrhiav koj lub Tribal ADRC hauv](https://dhs.wisconsin.gov/adrc/consumer/tribes.htm) (dhs.wisconsin.gov/adrc/consumer/tribes.htm).

Cim Tseg:
